



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

Name of School : 保良局志豪小學
學校名稱 : PO LEUNG KUK HORIZON EAST PRIMARY SCHOOL
Name of Play 劇名 : 牙牙戰篇
Script writer 劇作者 : 盧嘉能導師

Synopsis 故事大綱:

六歲的阿 Kay 跟所有小孩子一樣，十分喜歡吃糖果。在某個晚上卻發生了不可思議的事情，她竟然走進了自己的口腔裡，遇到不同的怪物，但這些怪物竟然都是來自自己的身體？奇異的歷險旅程即將來臨……



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

第一場

地點：阿 Kay 的房裡

[Kay 在玩玩具，飾演著姐姐並與玩具玩煮飯仔]

爸爸： (房外) 阿 Kay，差唔多時間要瞓喇嘞！

Kay： (大叫) 哦...！

媽媽： (房外) 你刷咗牙未㗎？

Kay： (大叫) 刷咗嘞...！

(幫玩具刷牙) 嘩，你哋都要乖乖啲刷牙㗎，知道嘛？

(玩具 A) 姐姐...姐姐，我仲想食糖呀！

(玩具 B) 我都係呀，我想食兩粒！但係你哋已經刷咗牙喇嘍——

(玩具 AB) 求吓你呀，姐姐.....唔該.....

對唔住啊，今日啲糖已經畀我食晒嘞... (神秘地) 不過就有朱古力豆，咁得唔得先？

(玩具 AB) YEAH——

[敲門聲]

【爸爸、媽媽打開門，在門口】

Kay： 爸爸、媽媽？

媽媽： 你仲未收好啲玩具？

Kay： 我啱啱先幫佢刷完牙啫。

爸爸： 咁叻？咁你係咪都刷咗先？如果無刷牙，就會甩晒啲牙——

Kay： 梗係有啦，洗乜講。

媽媽： 咁你又記唔記得聽朝要早起身，番去練合唱團呀？

Kay： 係㗎.....

爸爸： 好啦，咁快啲瞓，聽朝就等爸爸帶你哋落去食個早晨全餐！

Kay： 好嘢！多謝爸爸！

媽媽： 咁快啲熄燈瞓喇。



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

Kay : Yes Mammy !

【爸媽一邊離開一邊說，Kay 隔著門偷聽他們離開】

媽媽： 你啊，講得出做得到先好啊，咪到時又話飽只係飲杯咖啡就算數。

爸爸： (學 Kay) Yes Mammy !

媽媽： 成日半夜就掛住食啲朱古力豆，肚餓嘅話晚餐就應該食多啲。

爸爸： 邊有成日啫，就你見到嗰次啫嘛.....

媽媽： 仲唔認？成排朱古力豆越嚟越少？口痕嘅話不如..... 【離開】

Kay : (對玩具) 佢哋終於走咗嘞。

【拿起玩具鏡照自己的牙齒】睇吓我啲牙齒幾靚呀，先唔會
(學爸爸) 用啲啲牙——

【發現，用手指摸】咦，點解好似入面隻牙有黑色嘅？唔通我刷牙刷行唔乾淨？（笑）算啦，聽朝刷番咪得咯。

【從書包拿出朱古力豆】登登！你哋睇吓，係脆脆朱古力豆呀！仲要有五隻顏色咁多啫嘍！你哋今日就食黃色，我就食紅色。食朱古力真係好幸福呀！

【攞著玩具躺在床上，口裡左右地轉動住，漸漸睡著】你哋唔可以同爸爸媽媽講嘍嘢，如果唔係以後都會有脆脆朱古力豆食㗎.....



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

第二場

地點：Kay 的夢境內，紅紅的，看起來像是她的口腔裡。

〔音樂入〕

【細菌 1-4 舞動著出現】

眾細菌： 蛀牙大王阿 Dee... 蛀牙大王阿 Dee... 蛀牙大王阿 Dee... !

【Dee 出現，眾細菌不停地歡呼，Dee 一個手掣眾細菌和音樂都停了】

〔音樂 out〕

Dee： 我能夠有今日嘅成績，全靠大家嘅幫忙同汗水。你哋嘅努力絕對唔會白費，以後有啲需要到我幫手嘅話，隨便開聲，上刀山落火海，我阿 Dee 一定全力以赴！

【眾細菌歡呼】

細菌 1： 阿 Dee —— !

細菌 2： 我哋今日開始要改口嘞。

細菌 3： 冇錯啊，應該要叫阿 Dee 做——

細菌 4： 蛀牙大王！

眾細菌： (大叫) 蛀牙大王... 蛀牙大王... ! ——

Dee： 好嘞好嘞... 都係一句啫，你哋都係叫番我做阿 Dee 啦。

細菌 1： 阿 Dee，咁我哋跟住要做啲咩啊？

細菌 2： 係咯，Boss 有冇新嘅行動交畀我哋做呀？

Dee： 估唔到你哋都幾勤力㗎嗎？

細菌 3： 梗係啦，我哋好努力咁推舉你做我哋嘅蛀牙大王㗎。

細菌 4： 仲有我哋不眠不休咁同口水兄弟戰鬥㗎。

Dee： 所以 Boss 都知道你哋辛苦嘞，佢叫我哋休息一日。

【拿出紅色朱古力】 況且你哋睇吓？



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

細菌 1： 咁熟面口嘅？

細菌 2： 好似係喱排阿 Kay 成日都食嘅——

細菌 3,4： 脆脆朱古力豆！

Dee： (大笑) 所以洗乜咁心急？只要我哋嗰位身體主人阿 Kay 每晚都繼續含住朱古力豆馴覺，想幾時進攻就進攻，到時我嘅白齒細佬妹都要聽晒我話！

【眾細菌邊說邊舞動著分解動作】

細菌 1： 我哋會慢慢分解朱古力豆嘅糖分……

細菌 2： 正呀！入面一定有好多糖分㗎！

細菌 3： 到時就會有好多好多酸素。

細菌 4： 阿 Kay 仲要有咬爛到，只係含住喺度。

細菌 1： 換言之口水兄弟會好遲先發現到我哋？

細菌 2： 佢哋發現嘅時候經已太遲㗎。

細菌 3： 因為我哋已經令到牙齒嘅礦物質全部流失晒。

細菌 4： 咁哩度咪會有好多好多蛀牙大王？【眾細菌大笑】

Dee： 跟住就幫 Boss 侵略嗰個身體！！

眾細菌： **【歡呼】**阿 Dee...阿 Dee...阿 Dee！**【Kay 進來】**

Kay： **【發現朱古力豆】**係我粒脆脆朱古力豆啊！！咦...咁臭㗎？

細菌 1： 你係邊位啊？

細菌 2： 入到嚟招呼都有就嘈喧巴閉？！

Dee： (禮貌地) 請問你係屬於邊個部門㗎？

Kay： 部門？都唔明你講乜。我叫阿 Kay，今年已經係小學一年級！

眾細菌： 吓，身體主人阿 Kay！！？

Kay： 乜嘢主人話？係呢，哩度邊度嚟㗎？仲有呀，你哋好還番粒脆脆朱古力豆畀我嘍嗎！

細菌 3： 你咁都仲要問？